

مجله تاریخی و جغرافیایی

مطبعه و محل اداره :

در حال اوغوشده امنیت
مزدوغی حوارینده
مشکول بقوشنده
۲۰ نوسرو

مسلک زه موافق آثار
جدیدیه مع الممتونیه
قبول اولنور

درج ایدلمه یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاستنامه و بالخاصه احوال و مشوره اسلامیه در بحث اجداد و هفتده بر نشر اولنور.

صاحب و مؤسسه لری :

آبونه بدلی

در معادته نسخه سی ۵۰ یار ددر

ابوالعلاؤین العابدین - ح . اشرف ادیب
تاریخ تأسیسی

قیرلهدن مقوا بورو الیه کوندربلایسه سنوی
۲۰ غروش فضله آلامر

۱۰ تموز ۱۳۲۹

سه لکی	القی آیلانی	غروش
۶۵	۳۵	۳۵
۶۵	۳۵	۳۵
۱۷	۹	۹

عدد : ۱۷۸

۱۲ صفر ۱۳۳۰ پنجشنبه ۱۹ کانون نانی ۱۳۲۷

یدنجی جلد

کرکف، کهیا، لافازان، مردیون، نوخود، موشامبا، موقاووا، مینتان، نال، نالچا، نالین، هارین، یاده س (شکلنه قویمش، درجه درجه تورجه لشدیرمش، تورک توره سنه یاتیشدیرمش، البته بو، بویله اولاجق . . البته طبیعت زوره کلز، زور لایانلری زوره قوشار .

لغت آما ایشنده اک بویوک خطا بوراددر . بو اولماسه ایدی، بلکه باشقا خطالر یا اولمازدی، یادها خفیف اولوردی . بو، بویله دییه ایشی کندی آقینتیسنه بر اقلیمی؟ بیر اقیسه ق همتله بش ییلده اولاجق شی، بلکه ده الی ییل صوکره لره قلوب، کوری کورینه بر بر طاقم یکی بیچمسز لکلرده میدانله کله جک . یازیق که اوزمان، تورکک «بش یوز غوروشم اولمادیغی ایچون بیک غوروش زیانم اولدی» دیدیکی تحققی ایدوب حقیقه ضررمز سرمایه مزری بوغاجق .

تکرار ایددرز . . یازیمزده تمیدن وکرکی کی تعدیلر، اکالدر یایلمادیقجه بز بو یا کیشی طوغرونتامایاجغز . برشی یایلمایاجغز، باری کندی ایشی کندی یایوب تورکجه طوغرو بر آدم کان، بر آدم دکلسه بر آیق کان، بر پارماق کان (چامشیر) کی، (مردیون) کی (پاپوچ) کی، (نال) کی لغتلی استقبال ایدم . (جویر) ی (جوز) ه چوورمه چالیشمایلم. دیزک کندی مالی اولان (آرابا) ی، (آلو) ی، (انتاری) ی (ایمبات) ی، (باجناق) ی (داماق) ی، (یارا) ی، (تبه شیر) ی، (پینیری)، (اینکم صاغما) ی، (بالیه مز) ی، آنالری کوکسندن چاتیر چاتیر قویاروب (عربه)، (علو)، (عنتری)، (نیم باد)، (باجناح)، (دماغ)، (یاره)، (تباشیر)، (پنائر)، (علائم سما)، (عسل نیمخورد) شکلنه قویارق مسخره ایتیم .

اسپارطه لی

کریسی کله جک حق

مباحثات

تنقید محقق احمد حمیدی افندی به جوابی

مکتوبکیزک افاداتندن اثر ذهول واقع اولدینی آکلاشیله یور دیمکله اکتفا ایدم .

تقدیریکزدن اثریمز مظهر قبول عامه اولدینی استبشار ایدرک سزه بیان شکران ایدرم .

تنقید محقق افاده مرامنده (ائناى تنقیده بعض یکیلکله . . .) دن اشاغیسی تکرار او قویکیز !

برده (صوک سوزلرم) دیه مؤخره سنی بر کوزدن کچیریکیز ! دیدکدن صکره؛ مکتوبکیزک ایکی نقطه سی واردر . بری، (ردیه کزده ۱۹ نجی) سطر دن (اعظم مفسریندن فخرالین رازی) فقره سنک نهایتنه قدر اولان اسنادیکزی شدتله و تمامیه رد ایدرم . چونکه داروینک مسلکنى قبول دکل، (تنقید محق) ک ۱۶ نجی صحیفه سنک اواسطندن ۱۹ نجی صحیفه سنک ایکنجی سطرینه قدرکی سطرلریله بو

مسلکک رد ایدیلدیکی معلوم اهل عرفان وقارئین کرامدر، داروین (ترور) یعنی (تناسل و تکامل بغير نفسه) مسلکنى قبول ایتش، بز ایسه تشبیح یعنی (تناسل و تکامل بنفسه) اصولی قبول ایدرک حتی (اروا حکم اشبا حکم) حدیث شریفله استبشار ایتدیکمز میدانده در . مکتوبکیزک دیگر نقطه سی که : (بویا تانکزدن داروین نظریه سنی .) سطرلرندن اشاغیسی خصوصنده حقیقته دوغری تنویر و تعمیق فکر ایتک ایجاب ایدر یور .

باقیکز افندم! قانون تکامل واصطفا ممکناتک کافه صفحاتنده شرط اولارق بر دستور لایتغیر اولدینی غیر منکر بر حقیقتدر .

ابنای عظامک صورت ظهوری و کتب سماویه نك ابتدا صحفدن باشلا یارق توراته و انجیله و قرآن کریمه دخی کلنجه بر برینی ولی ایدرک تکاملدن تکامله و اصطفا دن اصطفا یه قانون تکاملک نتیجه سی اولدینی اک برنجی شاهددر . انبیای عظامه مخصوص اولان کمال، کمال اضافی ونسیدر . نصل که : صحفه نسبتله کتب شریفه و تورات شریفه نسبتله انجیل شریف، انجیل شریفه نسبتله قرآن کریم دها زیاده کمال کوسترمشدر . بناء علیه ترییه کسب استعداد ایدن نوع بشر آرتق حال ابتدائیسنه نسبتله دائما آز چوق تکامل کوستردرک تکرار حال ابتدائیسنه رجعت ایتیه جکی پک طبیعیدر . بونی انکار ایتک انبیاء عظام و کتب سماویه نك بعث ونزولنده تردده دوشمک دیمکدر .

وحشت ایله جهالت آره سنده کی فرق بوباده نظر بصیرته آلمق درجه وجودده در . بوکون یالکز افریقا قطعه سنی اله الملق کافیدر .

آفریقانک بعض محللرنده کی قبائل بدویه دن برنجیسنده هنوز اوچی بشی فرق ایدمه جک درجه ده مایمونلر قدر غایت محدود بر بیلکی به نسبتله اصول تمدنه قارشى لاقید قالان عناصر بشریه بر میدر؟ وحشیلر هنوز تربیه بشریه ایله غیر مکلف اولدقلى حالده بدویلرک مکلف اولدقلى میدانده . ایشته برنجیلری حال وحشتده، ایکنجیلری ایسه جهالتده در . قرآن عظیم الشانک حق سمویلرینه کلنجه بز اوفرقان حقیقت بیانه حضرت محمد مصطفی (صلعم) نک کمال خاتمتله بر معجزه باهره نبویه سی اولدیفنه قطعاً ایمان و اعتقادیمز بر کمال اولدینی و تکامل و اصطفا دن اولارق ازمانک تغیریه احکامک تغیرینه وجداناً قائل اولدیفمز ایچوندرکه : سوئه استعداد بشر یوکسه لدجه آیات کریمه یی تفسیره اولان احتیاجدن اصلا خالی قالامیز .

صورت تفسیره کلنجه هر زمانک مفسری او عصرک علوم وفنوننه کسب اطلاع ایتمه دجه تفسیرده ال اوزاته مایه جنى ده حقیقتدر .

بوکون علوم وفنون و تبعات فنیه کوزومزک اوکنده . اوفرقان کریمکده شوزمانمزه کوره بعض آیات کریمه سی انظار بصیرت و دقتمزده . فلان مفسر شویله تفسیر ایتشدر، بونک اوزرینه سوز اولمازمی دیه جکیز؟ ظن ایدرسم بر برینی ولی ایدن بونجه مفسرین کرام بو عقیده یی قطعاً قبول ایتمز و ایدمزلر . ایتمه دکلی ایچوندرکه : بر چوق تفسیر شریفه نك جمع و تالیقنه سی بلیغ کوسترمشلردر . عاشق حقیقت و نبوت و قرآن

معنایینده قطعاً مغایر و منافی دکلر . چونکه (اذا) مفاجأة معنا .
سنه ده اولسه (حین و دهر) معنایینده نسبتاً انسانك اوزرندن کچن
ادوارك اقل قلیل قالاچغندن شبه یوقدر . انسانك ترابدن و سلاله
طینیه دن خلق اولونمق معناسنده منافی دکلر . چونکه فنا و تحلیلا
هنوز جمله من تراب و سلاله طینیه دن بشقه برشی دکلر .

محترم! ایشته قرآن عظیم الشان بکونکی فنون حاضره یه کوره اعجازینی
کوستره یور . یوز سنه ، بیک سنه صوکرده ینه بوضورتله معجزه باهره سنی
کوستره جکنده شبه ایتمه ملی بز . باقی فیض و احترام!

« تنقید محق » محرری روسچفلی

عمر فاروقی

تایخ حکومت اسلامی

افغانستان

امیر عبدالرحمن خان

شمشیرینک ز آهن بد چون کند گس

نا کس بتربیت نشود ای حکیم کس

یاران که در لطافت طبعش خلاف نیست

درباغ لاله روید و در شوره بوم خس

چوق کچمه دی که پدرم و بایه طوتولدی . مملکتک جاهل عطاردلری
بیلدکلری علاجلرک هپسینی استعمال ایتدکلری حالده خسته لق کوندن کونه
آرتدی . شیر علی خانک بلخه کلرب فیض محمد خاندن امداد آلدقندن
صوکر اکابله طوغرو یورو مکده اولدیغی ده ایشیدیلدی .

همان عمجه مه بر مکتوب یازوب پدرمک خسته لغنی و شیر علی ایله
فیض محمد خانلرک متفقاً حرکتی بیلدیردم . بونلره قارشى چیمغه ایسته .
یورسه مه پدرمی یالکز بیراقیورم . باری سز کابلی تشریف ایدیکزده
خسته نك یاننده بولونکیز . دیدم . مکتوبمک جوابی کجیکدی . برطرفندن ده
جاسوسلرم شیر علی خانک کابله ایکی منزل قاله سنی به قدر یا قلاشدیغنی
خبر ویریوردی . قارشى چیمق ایچین حاضر لاندیغ صیراده دشمنک
(پنج شیر) ه واصل اولدیغنی ، اورادندن ده کوهستان کابلی طوتمق نیتنده
بولندیغنی طویججه پدرمدن مساعده و دعا آله رق (چاریکار) ه عزیمت
ایتدم . عمجه مه غزیننه کیش ، لکن بنم حربی بیتیمه می بکله مکده
بولونمشدی .

(چاریکار) ه ووصلده فیض محمد خانک پنج شیر دره سندن کله جکنی
استخبار ایتدم . همان حرکت ایلیه رک بوتون کون یورو مک صورتیه
علی السحر (کل بهار) و (الله داد) قلعه سنی پیشگاهنه کلدیم که بونلر پنج
شیر دره سنک مدخلنده ایدی .

فیض محمد خان کلدی . فقط طانک اوزرندن باقوبده بزم عسکری

اولانلر مزایای شریفه قرآنی کنیدیلرینه اویدرمازلر بلکه کمال اخلاص
و ایمانله اودریای بی پایاندن بعض احکام شریفه سنه کمال اتقانله تبعیته سعی
بلیغ کوسترلر . (هل آتی ...) یه دائر کتب تفاسیری تتبع ایدیکز !
برطاقم اقواله تصادف ایده جککیز شبه سزدر . بونلردن برقاچنی شورا .
جقده سویله یلم . ابن عباس (تفسیر کبیرده) قرق سنه طین ، قرق سنه
صلصال ، قرق سنه حماء مسنون حالنده آدمک (لم یکن شیئاً مذکوراً)
اولدیغنی اتیان ایده یور .

(نجم الدین کبراء) قال جعفر (هل آتی عليك يا انسان وقت لم یکن الله
ذا کراک) دیه تفسیر ایده یور .

(تأویلات نجمیه ده) نتیجه اعتباریله (مآتی علی الانسان حین من
الاحیان وهو کان منسیاً فیها بالنسبة الى الحق و کیف وهو مخلوق علی صورته
و صورته حاضرة له مشهودة عنده) دیه تفسیر ایده یور .

ایشته کر دیور سکرکه آ : منسیرینک هربری معلومات مکتسبه حاضرده .
لرینه کوره تفسیره چالیشمشلردر . هیچ بریسی دیکرینه بکزمه یور .
حالبوکه : جمله سنده بولندقلری عصرک سویه عرفانه کوره کنیدیلرجه
بر قناعتده واردر . بناءً علیه بیلمش اولالمکه : حضرت قرآن
اویله برکشینک ، بش کشینک ، حتی بر عصرک ، بش عصرک ، تفسیریه
قدرت معجزه باهره سنی تجلی ایتدر مکدن خالی قالمایه جقدر .

شمی تنقید محکم ۱۹ نجی صحیفه سنده کی تفسیرینک ایضاحی ایشته
شویله در :

(هل) قد ، معناسنده در . (الی) فعل لازم اولارق یحیی ،
معناسنده در . (علی) استعلا و (من) معناسنی متضمندر .
برنجی آیتده کی انسان (لم یکن شیئاً مذکوراً) حکم جالیانه نظراً
یالکیز بر صورتدن عبارت وصاحب حیوة معناسنده در . (حین) وقت مبهم
معناسنده در . (دهر) زمان ایله غیر منقطع معناسنده در .

ایکنجی آیتده کی انسان حضرت آدم و اولاد آدمی شامل اولارق
احراز کمال و تکامل ایدن انسان معناسنده در . (ابتلاء) بلودن مشتق
اولارق اختیار طریقیه اسکیتمک معناسنده در . (سمیعت ، بصیرت) حق
و حقیقتی کورمک معناسنده در .

شوتفصیلاته کوره معنای شریفی شودر :

(یالکز صورتدن عبارت فقط صاحب حیوة اولان انسانك اوزرندن
برچوق دورلر کچدی که : او حالنده شایان ذکر یعنی قابل تکلیف و تربیه
دکلدی . بزمکلف اولان انسانی صورتدن عبارت اولان نسل انساندن
ابتلاء خلق ایدرک سمیع و بصیر قیلدق) دیمکدرکه : کرک فنون حاضره یه
کرک موجود اولان انسال بشریه تمامی تمامنه مطابقدر . حتی (واذا
سویته فنفتخت فیهِ من روحی ...) آیت کریمه سنده کی (تسویه) کله .
سنی ده مفسیرینک تأویلاتنه اوغرامایه رق دوغریدن دوغری کندی
معناسیله تنویر حقیقت ایدرم . نفخ روح ، روح انسانیدر . یعنی
روح کمال استعداد حقیقتی سویه بدنه کوره تجلی ایتدیره یور دیمکدر .
استشهاداً اتیان ایتمش اولدیغکیز ایکی آیت کریمه ایله بر حدیث شریفک